

受持常自作課誦者諸願皆得我承佛力如
是救苦衆生爾時觀世音菩薩摩訶薩說此
如意輪陀羅尼經已一切大衆皆大歡喜信
受奉行

火唵吉祥陀羅尼

那謨阿囉那哆囉 夜耶 那謨彌陀婆耶
怛他揭哆耶 那謨曷耶 跋盧枳帝攝枝
囉耶 菩提薩哆縛耶 摩訶薩埵耶 摩
訶伽盧尼 伽耶 怛姪他 唵 阿慕佉
阿波喇帝 喝多吽 吽破吒 娑婆訶

觀世音菩薩祕密藏神呪經

觀世音菩薩如意摩尼陀羅尼經

唐北天竺三藏法師 實思惟譯

爾時觀世音菩薩白佛言世尊我有明呪法
大壇名蓮華峯金剛加持祕密無礙觀世音
蓮華如意摩尼轉輪心陀羅尼觀世音心最

勝成就世尊為能與一切衆生願成就故於
世尊前我今當說唯願世尊加護於我為一
切呪仙雨大寶雨如大劫樹如如意摩尼當
令一切衆生所願滿足佛言我已加持汝今
當說一切希求皆令滿足無能障礙觀世音
心秘密與願爾時觀世音菩薩摩訶薩往詣
佛所頂禮佛足右繞三匝於世尊前希怡微
笑以大悲心說此呪王呪曰
那謨喝囉怛曩_{二合}怛囉唎也_一那摩訶哩也_二
婆嚕吉帝說_{長引聲}婆囉也_三菩提薩埵也

四摩訶薩埵也_三摩訶迦盧膩迦也_六怛姪
他_七烏唵_八所迦囉_九鉢末哩底_{二合}
震哆末尼_一摩訶鉢特迷_{二合}嚕嚕_三底瑟
咤_{二合}囉囉_五阿羯哩灑_{二合}虎餅_{二合}
泮吒_{二合}沙訶_九此名根本呪_{十一}
次說心呪呪曰_{能四}
烏唵_{二合}鉢特摩_{二合}震哆末尼_三囉囉
四合虎餅_五
次說隨心呪呪曰
烏唵_{二合}縛囉陀_二鉢特迷_三虎餅_{二合}

說此咒已大地應時六種震動一切天宮亦皆搖動一切龍宮亦皆戰掉一切夜叉乾闥婆阿修羅邊樓羅緊那羅摩睺落伽種種皆大戰掉一切惡魔及頻那野迦作障礙者悉皆驚怖一切魔宮無有光明一切鄙惡衆生惡龍惡鬼女夜刹女羅刹諸極惡者伏面倒地諸惡毒蟲藏竄孔穴一切地獄無不散壞地獄衆生悉得鮮脫皆生天上於世尊前兩大供養華香衣服諸莊嚴具於虛空中奏諸天樂爾時世尊以迦陵頻伽美妙音聲讚觀

世音菩薩言善哉善哉汝爲利益一切衆生故當說此咒功能觀世音菩薩白佛言世尊若有善男子善女人比丘比丘尼若欲現前求諸利益願即獲者此如意咒即應當勤修不須作法不求宿日不須持齋不須洗浴不須別衣受持之時不須辛苦但讀皆即成就誦者辦諸事業能作百千種種事業無有餘咒與此等者初能銷罪往昔以來所積集者所作事業皆令成就我今當說但讀及誦即能成就無上之事繞讀即令墮阿鼻者皆得

清淨五無間者銷滅無餘病者皆除若有患
者但讀此咒即皆除差一切諸毒咒術厭蠱
皆不能害一切諸瘡不著其身一切鬼神頻
那夜迦諸毒刀杖風雨惡災魔軍及賊他軍
王難怨家伺求毒蠱猛獸皆不能為害終不
橫死不作惡夢戰伐鬪諍無不皆勝此等諸
事纔讀即成脣內誦之滿一百遍觀世音菩
薩即於其日現彼人前與其所願皆令成就
又見一切諸佛如來及見西方無量壽佛極
樂世界及菩薩會補特勤伽山中觀世音菩

解四

十二

薩宮殿其身清淨貴人供養衆人樂見罪障
蓋纏無不清淨所生之處得宿命智蓮華化
生一切妙具皆自莊嚴直至菩提永離惡趣
究竟成佛罪惡銷滅善道清淨纔讀誦者皆
即成就爾時觀世音菩薩復說最上祕密功
德者為利益哀愍一切衆生攝取令伏遮止
惡人令慈增長念誦即成能與衆生作大利
益令諸智者得大安樂貨食增長富貴資具
無不豐足色力滋盛此咒祕密不得妄說若
欲真實成就無上如意摩尼大印念誦即成

若已食若未食若淨若不淨每常誦念悉無過患誦念之時當念憶觀世音菩薩永作依怙若貴若賤若男若女沙門外道稱其名字住心繫念而誦此咒應以後夜若平明時男最貴者一千八遍女最貴者一千七遍第二

能四

十三

貴男誦八百遍第二貴女誦七百遍第三貴女誦六百遍若婆羅門誦五百遍刹利四百遍首陀三百毗舍二百比丘一百八遍女人一百三十遍丈夫一百五十遍童男六十童女九十此念誦法無不歸依攝百由旬迅疾

如風誦八百遍觀世音真身現前令見一切所願皆能與之一切衆生明呪成就誦十千遍聖者執金剛真身現前令呪者見如所愛子鞠養抱持一切明呪皆令成就凡有所欲願與之令滿誦十三千遍得見一切諸佛如來誦滿七日諸呪仙王皆以真身現呪者前各以所成明呪授與隱蔽其形隨逐擁護一切安樂無不現前七日之內每日之中於後夜時誦三千遍帝釋天王及諸天女下來歸依與明呪願如是等事但誦即成念誦法了

爾時復說見者伏法無上成就若纔用者一切隨順

牛黃 白檀香 鬱金香 龍腦香 麝香
肉豆蔻 白豆蔻 丁香 紅蓮華 青蓮華 金赤土

已上物等分用白石蜜和之此是轉輪王香
誦呪一千八遍而和合燒以薰衣塗額塗眼
臉上塗身所去之處如日威光衆所樂見若
在手者悉皆成就一切衆生若貴若賤自身
及財亦皆歸伏爾時觀世音菩薩為利益一

切衆生故復說眼藥之法成就最上若有用者即得成就決定無疑

摩那叱羅 雄黃 迦俱婆婆樹子 紅蓮華 青蓮華 海沫一名海浮石 牛黃 鬱金根一名黃薑 小栢根 胡椒 葦荻 乾薑

已前件藥並擣研為極細末以龍腦香麝香和之誦心呪一千八遍隨心呪一千八遍誦根本太呪一千八遍以手取藥觸觀世音菩薩足即塗眼中已所有眼病乃至有目青盲胎努肉悉得除差第二遍塗一切壯熱頭痛

半頭痛口痛悉得除差第三遍塗一切猛惡
鬼魅及以癩癰悉得除差第四遍塗一切惡
頻那夜迦悉得銷滅第五遍塗一切怨家鬪
諍悉皆得勝第六遍塗一切罪障諸毒應墮
地獄受無間罪悉得銷滅一切惡夢惡想不
吉祥相百千集會悉皆銷滅終不更起皆內
眼藥第七日塗纔見一切男女貴賤道俗內
外眷屬悉皆隨伏二七日塗得大自在三七
日塗當粟散位一切隨伏四七日塗一切夜
叉夜叉女及眷屬悉皆隨伏五七日塗羅刹

及羅刹女并眷屬悉皆隨伏六七日塗幻術
成者能現種種身皆受驅使乃至菩提隨逐
順伏七七日塗摩訶迦羅及諸女鬼神眷屬
悉皆隨伏八七日塗見隱形者九七日塗得
見一切伏藏十七日塗一切窟宅門皆得入
十一七日塗入諸仙藥諸大園苑皆得成就
一切藥物草木諸神悉即現形十二七日塗
一切山關門皆得入十三七日塗乃至無有
一切諸門無不得入十四七日塗一切諸人
無不得見十五七日塗夜見如晝十六七日

塗遠見地下所有諸事十七日塗世界之中諸有地獄悉皆得見其受罪者皆得解脫十八七日塗之身有威德猶如日光黑暗之中所有窟宅悉皆得見十九日塗之聖者執金剛現來為證二十七日塗之觀世音菩薩親來現前為證而住現其自身與一切願心所希求悉令滿足二十一七日塗之即得騰空無有障礙及見一切諸佛刹土具見佛身一切菩薩所住之處悉皆得見滿足一年祕密塗藥五眼清淨等共衆生如前祕說悉

皆具得勿生疑惑如是成就但讀及誦悉皆當得一切如來轉輪如是摩尼觀世音菩薩蓮華清淨名眼藥成就了復次說衆生降伏成就然火之法壽命增長滅一切罪離諸蓋纏一切怨家無不降伏一切障礙皆自銷滅一切衆生自然歸伏

白檀香

栴檀華

燒栴檀華

白芥子

本無白字

酪蜜酥相和呪一千八遍燒之以香木然火纔作此已一切罪障無間皆自銷滅壽命一千歲一七日燒得壽命二千歲身得清淨永

離蓋纏二七日作法一切男女無不隨伏三
七日作法三十三天諸有眷屬并日天等皆
來隨伏一切所願皆令滿足四天王等無不
下來為常護養持呪者故聖者執金剛與願
成就觀世音菩薩為與願者所有希求悉令
滿足一切喜見無不自在求雨法以酥和芥
子三夜燒之諸龍下雨若雨過多即以其灰
擲散空中雨便自止又以此灰繞口擲著火
中滿一百八遍一切惡風雪雨悉皆不起若
常念誦一切諸處無有障礙當得氣力勇猛

能四

十六

精進捨身已後得生西方極樂國土生生之
處得宿命智如是世尊者比丘比丘尼優婆
塞優婆夷諸持呪者此大如意摩尼轉輪觀
世音心印讀誦成就應當受持讀誦聽聞當
得如是大福德聚得大善根一切男女無不
隨順呪者恒常應當護口所作之事終不退
轉得大供養一切財寶無不皆得一切衆生
願皆滿足爾時世尊告觀世音菩薩言汝為
利益一切衆生於閻浮提流轉此法無上心
呪但讀即成應如是作觀世音菩薩應當護

持一切衆生數數看視數令成就一切衆生
令願滿足觀世音菩薩白佛言世尊我爲利
益護念一切衆生故我今受持爲令一切願
成就故讀誦明呪諸願成滿是故世尊我今
誠諦唯願世尊慈悲加護

能四

十七

觀世音菩薩如意摩尼陀羅尼經

觀自在菩薩如意心陀羅尼呪經

唐三藏法師義淨奉詔譯

如是我聞一時薄伽梵在伽栗斯山與大菩
薩無量衆俱爾時觀自在菩薩摩訶薩來詣
佛所頂禮雙足右繞三匝以膝著地合掌恭
敬白佛言世尊我今有大陀羅尼明呪大壇
場法名青蓮華頂栴檀摩尼心金剛秘密常
加護持所謂無障礙觀自在蓮華如意寶輪
王陀羅尼心呪第一希有能於一切所求之
事隨心饒益皆得成就世尊大慈聽我說者